

嘉靖海門縣志

地 220.737

275

部 = 31 ~ 2

天一閣藏明代方志選刊

# 海門縣志

一九六四年一月上海古籍書店據寧波天一閣藏明嘉靖原刻萬曆增刻本景印原書版框  
高二〇·三公分寬一四·四公分

# 海門縣志序

漢陽同知洛陽陳大壯譔  
蓋自尚書春秋述矣言史者必曰司馬  
太史公云夫法嚴旨明文從事核史之  
憲也迺司馬公則組麤衍俚敷拙引亂  
健侈悠渾舉嚴明從核而備之故言史

## 海門縣志序

者必歸焉後世紀述之文知所繩祖顧  
摹竒綴麗宣巧研整剔其麤俚拙亂者  
置之故弗能類也非擬古者之弊哉史  
以代紀郡邑各有志固史之委與海門  
枕江海之交僻簡馴樸前世文獻無徵  
故志無夙紀太史東洲崔公是志蓋無

所襲藉焉然邑寡分士公鮮恆政民厲  
事舛表稽渙訛公實綜頤探隱拂贅闡  
微體約於古情麗於今議檻於公論比  
於正簡嚴詳覈藏往授逖自成一家蓋  
司馬公之繼與公以翰林同修國史詞  
章議論天下擅宗茲邑志也亦其委與

志之舉尸於令尹金谿石湖吳公吳以  
博雅之才治邑三年教孚化浹復思所  
以風後世故志之舉實尸之且吳公與  
家君爲素寮而崔太史公前秉楚文憲  
壯時承乏民部奉

璽書往使實飲其緒餘者故志成吳公授

簡今次引之然壯未敢云能叙  
者矧延初侑終制類裁義命言  
者公既有自序矣故不辭而麗諸簡



# 海門縣志序

鹽土及第憲大夫南京太僕寺卿前翰林院侍讀 經筵講官兼修國史金焦撰

海門志故附諸州亦大較也石湖吳侯  
宗元以爲闕典焉告諸庶寮曰夫志猶  
夫史也國而弗史其何以國邑無志焉  
非邑也吾責也夫邑佐姜君觀慕張君

○海門縣志序

四

俊曰莫有翼焉孰與其成責在吾屬司  
教朱君衣歐陽君杲率二三子而躋侯  
堂曰志可以風政化闕焉曷風責在學  
校僉以穎墨之職屬諸桐桐曰鄉先生  
尹壽昌有遺稿矣而弗竟責在鄙人於  
是乎襲故有撫輿見統系昭晦剔蕪綴

遺列以十綱屬以羣目旣而嘆曰夫志亦難矣非摛采侈馥之難也亦非索賸紉僻之難也而秉理御氣事該體範之難也方輿羣書也畧夷堅志也怪吾嘗學之矣弗師也辭夸義矯者誣反經鬻筆者疵吾嘗學之矣不得而無擇也是

故吾志疆域焉善土汨矣祗望洋耳其何文之次山水焉邦之勝也而病焉莫得而多矣次風俗焉其先民之遺休乎迺今之莫有恒也安得而庇之次食貨焉豐矣乎其有舊也而非矣可以觀也次建置焉凡爲變三矣能無感乎次禮

制焉洋洋乎盛哉古之懿典也次官守  
焉昭厥良而慎厥與其嚴乎亦來者之  
考也次人物焉民之紀也而權衡之月  
旦有評矣次古蹟焉備厥族耳次詞翰  
焉國之華也吾弗欲泯焉志成而歸諸  
侯侯也弗有以歸僉僉也弗有以歸桐

桐曰穎墨之勤微也倡焉翼焉功也志  
成而僉責紓桐藉有與焉耳侯之歉歉  
爾者殆曠如也



海門縣圖


桐曰夫志志夫有也海門之有而無者十之八九矣而圖之何示地之改也時之異也民之病也嗟夫聲入者疑而淺形感者惻而深此鄭俠之圖豈其動人主在萬世心目也

海門縣志圖

七

海門新舊縣總圖





海門新縣圖

海門縣志圖

南

西

東

北

養濟院 便民倉

廣福橋

廣福橋

海邊坊

士道坊

光嚴坊

豐亭街

平政街

總舖

海門縣

崇善

會館

柱學

書院

崇明縣

海門縣

呂四場

東山

崇真

法輪寺

海門縣 呂四場

吳淞水槍司

田畝

通州東成村地

陳樹生江

仙安

海門

浙江

徐積

江


通州地

開福寺

戴山



四遷縣治圖




通州地

西抵通州界

又九

不可支使公猶及見之則其感愴又當何  
 如謹圖四遷縣治于左以補其未備庶觀  
 風者于以考輿地而稽民艱



又九

此新縣圖也自餘中徙治金沙去舊縣二十五里去東海九十里去北海四十里有奇去通州四十里而近時移事改財匱力竭邑之民若寄生然而無地之租無身之庸與全盛等若不與之休息則寄生者其何以自存且負江濱海實淮揚等一門戶故夙稱海門鎖鑰壯而後堂室安司國計者其有隱憂乎

海門縣志總目

一疆域

二山水

三風俗

四食貨

五建置

六禮制

七官守

○海門縣志總目

十

八人物

九古蹟

十詞翰

海門縣志集之一



邑人 崔桐輯

知縣 吳宗元 校

教諭朱衣 訓導歐陽杲

生員張附龍王武張綱同校

疆域第一

昔禹別九州周列職方地平天成體國經野所以宅有衆以升大猷帝王之規畫其宏矣乎然

○海門縣志集之一

禹跡未通夫遼粵周疆未臣乎巴蜀代割世更離合糾紛因革極矣窮則變變則通全盛之會固有待焉我

太祖鼎定金陵域正華夏際天極地罔非王土海門綴旒圻壤化先輦轂輿圖所載與有壯觀焉是故本之地以定廣輪參之天以考象緯稽之時以極損益亦勺水之分海卷石之名山也

沿革

海門地僻海隅古未有建置初名東布洲唐虞  
商周時屬揚州之域春秋屬吳越戰國屬楚秦  
屬九江郡漢為海陵東境屬臨淮郡東漢改屬  
廣陵晉因之東晉宋齊皆屬海陵郡隋屬江都  
郡唐為鹽場屬揚州唐末屬吳為東洲鎮至南  
唐始以其地西置靜海都鎮制置院後周顯德  
五年改為靜海軍尋改為通州析其地東為海  
門縣置里百有二十本壯縣也宋元因之至正

中以江逼北徙禮安鄉會張士誠僭據浙西遣  
偽將張左丞守之縣治燬于兵燹

國朝御寓仍為海門縣領於通州屬揚州府編里  
三十有七嗣後江日漱噬正德九年復卜遷于  
西三十里餘中場之北實通州境海門已無饒  
土矣

分野

漢志吳地斗分野晉志揚九江入斗一度隋書



地理志揚州於禹貢爲淮海之地在天官自斗  
十二度至涓女七度爲星紀於辰在丑吳越得  
其分野唐志揚楚滁和廬壽舒爲星紀分又云  
南斗在雲漢下流當淮海間爲吳分魏太史令  
陳卓言郡國所入宿度廣陵入牛八度

桐曰周禮保章氏用五物以測陰陽之和  
否察天地之逆順蓋上詔人君以救政下  
訪臣下以叙事斯周公軌事之大者也以

星土辨九州亦五物之不容闕一者乎度  
數儀象之說班馬之倫考著益詳焉然孔  
子作春秋記災異以明王道未及於事應  
何哉夫取應必則無徵者踈測驗奇則示  
象者淺故曰左氏失之誣天官以下失之  
拘君子亦道其常也

形勝

東北瀕海影帶諸夷南控大江氣吞吳會

王荆  
公論

東南澤國宇宙大觀岷江灑潏吞聲于此中原  
蜿蜒藏形於此淮泗逶迤交匯於此尹壽  
昌論  
四至

東至料角嘴八十里西六十里通州地東二十

里屬海門

西至通州界一十里

南至揚子江三里

北至海二十里皆州地

○海門縣志集之一

四

鄉村

在市四里在舊縣沒于江

人和鄉四里在呂四塲南沒江大半

禮安鄉五里在舊縣南沒于江

崇信鄉四里在舊縣西沒于江

陳壩莊二里在舊縣東沒于江

嘉會都四里在縣南沒江已半

智正都十一里在縣西沒江大半

呂四場三里在縣東七十里

街坊

平政街在縣前

阜民街在縣東

榮儒街在縣西

豐寧街在縣西南

興賢街在儒學前

祐善街在城隍廟南

應宿巷在縣東

旋驄巷在縣西

進士坊五三在舊縣爲尹惟忠陳孚陳奎立一

在縣西爲錢鐸立一在縣東爲李夢周立

海門縣志集之一

五

奪魁坊在舊縣爲舉人袁懋宗立

登瀛坊在舊縣爲舉人葉思智立

清顯坊在舊縣西爲舉人李永常立

登俊坊在舊縣儒學前爲舉人潘孜立

經魁坊在舊縣前爲舉人李周立

奎光坊在舊縣儒學西爲舉人李紀立

鳴鳳坊在舊縣儒學東爲舉人張杲立

接武坊在舊縣爲舉人李梁立

五桂三豸坊在舊縣西爲李永常李周李開李  
紀李梁立

步雲衢坊在舊縣前爲舉人姜輅立

凡在舊縣者皆沒江

解元坊在縣前爲崔桐立

探花及第坊在縣前爲崔桐立

鴻達坊在縣西南爲舉人錢鐸立

文魁坊在縣東爲舉人李慶周立

戢光坊在縣治南通州判官史立模建

山水第二

海門地衍無山載諸左方者土山耳迺若浮天載地利物成務爲天下之巨麗者其惟水矣乎雖然書稱水曰潤下而或有不然而何哉班固云坎爲水位在北方終藏萬物者也聖王順事陰陽和神人至發號施令亦奉若天時十二月咸得其氣則陰陽調而始終成水得其性矣否則霧水暴出百川逆溢壞鄉邑溺人民及淫雨傷稼穡是爲水不潤下周成王時越裳氏重三譯而來朝曰吾受命國之黃髮曰乂矣天之不迅風雨海之不波溢也三年於茲矣意者中國有聖人乎斯以人事論也夫水陰氣所積也在天爲雨露在地爲江河在人爲津液天地人之際相爲流通降禋貽割感召殆有機焉抑堯之水湯之旱非氣數之常與是故徵人事則其迹拘歸氣數則其修怠夫災異也者雖聖人之世亦

不得而免也聖人固不敢有所諉耳海門惟無  
山故土善崩惟水不下故崩莫已夫水利斯人  
者也而害實隨之滄海而桑田亦變盈流謙之  
常民心日有望云

山

海門島在縣治北海中

東山 土山在呂四場南相傳宋淳熙中孫道  
人所築又能以術運大木建廟於山

海門縣志集之一

八

戴青山 土山在舊縣西僧戴青所築因以名  
以没于江其徒淨安復築於王竈境

觀音山 土山在縣西二里

韓童山 土山在縣東五里宣德中巫人韓童  
所築因以名

水

江 在縣治南三里即揚子江也至此則彌大  
耳江之正派發源岷峨一合於馬湖納溪重

慶再合於漢江洞庭彭蠡至小孤山而江始大其旁派則馬湖之自金沙諸水納溪之自蕃部諸水重慶之自嘉陵諸水漢江之自岷岷諸水洞庭彭蠡之所潴諸水皆合會而入江載諸圖簡不容贅已迺若海門之大畧則東注七十里至料角嘴而接大海西連通州如臯泰興江都以至儀真南對常熟崑山西南迤江陰靖江以至丹徒實海門第一形勝

也江之利海門亦大矣澇則水容于江旱則潮入于港是以雖有凶年沿江之畝猶冀有秋也但以漲沒不一沙橫水急則衝岸善崩邑無餘土民甚病之

海 在縣東七十里北二十里南歷浙江福建界通南海北歷山東界通遼海朝鮮在東北日本琉球在東南元時通州民朱清張宣操海運之舟由此以達直沽亦海門第一形勝

也但水味斥鹵時或汎溢最為傷稼故范文正沈興宗皆築堤以防之然魚鹽之利民實賴焉

運河 在縣治南東止呂四場西北至揚通淮嘉靖辛卯縣東河沒于江知縣趙九思濬自儒學東北入十里東入餘東便倉四十里海門縣凡三建江河亦屢變矣

西河港 徐稍港 西七星港 俱在縣東禮安鄉通

海門縣志集之一

十

江 東七星港 姚潭港 新溝港

黃沙港 東明港 生港 大河港

俱在縣東 顧團港 西周港 船橫港

麋鹿港 料角港 蘆葦港 俱在縣東人和鄉通東海

陸港 孫潭港 陳鐵港 道堂港

俱在縣東崇信鄉通江 楊樹港 薛家港 西黃涇

港 東黃涇港 嚴大港 俱在縣東嘉會都通江

張港 湖港 曹港 天港



套口港

腰夾港

江泚港

頭條港

潭泚港

新港

俱在縣西智正都通江

尸溝

新溝

俱在縣東

白水蕩

在呂四場其地廣豬為麇鶴所萃

新堰

在舊

縣北宋元豐間築積水以通鹽舟

捍海堰

沈公堤

俱詳見古蹟

查家灣

在舊縣西

西清閘

在舊縣西清橋南成化二

十年巡鹽御史李暉造

減水閘

在舊縣西北弘治三年知縣徐英造

海門縣志集之一終

